

## **SOCIETY BIBLE BAPTIST CHURCH OF MALOLOS**

### ***ANG KASUNDUAN NG AMING IGLESIA***

Yamang pinapatnubayan kami ng Espiritu ng Diyos, tulad sa aming paniniwala, nang tanggapin namin ang Panginoong Hesu-Cristo bilang aming Tagapagligtas, at sa Ngalan ng Ama, at ng Anak, at ng Banal na Espiritu, ngayon kami, sa harap ng Diyos, ng mga anghel, at ng kalipunang ito, ay buong pag-galang at galak na nakikipagtipan sa isa't-isa bilang isang katawan ni Cristo.

Kaya't kami, sa tulong ng Banal na Espiritu ay nakikipagkasundo na lalakad ng may pagkakaisa sa pag-ibig ni Cristo; na magsusumikap sa ika-uunlad ng iglesia sa kaalaman, kabanalan, pagbibigay, kagaanang ng kalooban, na ibabansag ang kanyang kasaganaan at ispirituwalidad; na sususteniha ang kanyang pananambahan, mga ordinansa, disiplina, at doktrina; na bibigyan ito ng sagradong pangingibabaw sa lahat ng institusyong nagmula sa tao; na magbibigay ng may pananampalatayang pangako, pagpapasalamat, unang bunga, at iba pang mga kusang-loob na alay na ginagamit na pangtustos sa ministeryo, sa pangangailangan ng iglesia at sa pagpapalaganap ng Ebanghelyo sa buong Pilipinas at sa lahat ng bansa.

Kami ay nakikipagkasundo na aalalayan ang Pastor bilang tinawag ng Diyos upang sa amin ay manguna, sa buo niyang liderato, at anumang kanyang pinagsisikapang gawin, bibigyan siya ng dobleng karangalan, ipapanalangin siya, palalakasin ang kanyang loob, makikiisa at tutulong sa kanyang gawain, sisikapin ang kanyang ikabubuti, at siya ay mamahalin.

Kami ay nakikipagkasundo rin na pananalitihin ang debosyong pampamilya at personal, magiging madalas at palagian sa pagtuturo sa aming mga anak; hahangarin ang kaligtasan ng aming kamag-anakan at mga kakilala; mamumuhay ng may pag-iingat dito sa mundo; magiging makatarungan sa lahat ng aming mga pakikitungo sa kaninuman; tapat sa aming mga pakikipagtipan at huwaran sa aming mga gawi; iiwasan ang pagiging dalahira; paninirang-puri, at labis na pagkagalit; hindi magbibili o gagamit ng mga nakalalangong inumin, sigarilyo at tabako, at mga bawal na gamot; hindi magsusugal at magbibisyo ng anumang ipinagbabawal ng batas at lahat ng mga bisyong imoral; at magiging masigasig sa aming mga pagsisikap na mapalaganap ang kaharian ng aming Tagapagligtas.

Kami, gayundin, ay nakikipagkasundo na magbabantay sa isa't-isa sa kapatirang pag-iibigan; aalahanin ang isa't-isa sa pananalangin; tutulungan ang isa't-isa sa panahon ng pagkakasakit at pasakit; pangangalagaan ang Kristyanong pakikiramay at paggalang sa pananalita; magiging hindi madaling sumama ang loob, bagkus, laging handang makipagkasundo at makipagbalikan ng mabuting pagtitinginan, at isinasa-isip ang alituntunin ng aming Tagapagligtas at isisiguro ito nang walang pagkabalam.

Kami, karagdagan dito, ay nakikipagkasundo na kung sakali man na kami ay lumipat sa ibang pook, kami ay magpapatuloy na makibalikat sa ministeryo at mamuhay ng tulad nang naituro sa amin sa Salita ng Diyos.

Kasihan nawa at tulungan ako ng Banal na Espiritu na buong pusong matupad ang kasunduang ito, sa Pangalan ng Panginoong Hesu-Cristo, sa ikaluluwalhati ng ating Diyos. Amen.